

Missie Japan
Posbus 11412
Universitas, 9321, Suid Afrika
0027514066729
missie@ngkvs.co.za



Mission Japan
PO Box 11412
Universitas, 9321, South Africa
0027514066729
missie@ngkvs.co.za

15 Mei 2020

MISSIE JAPAN: NUUSBRIEF

Dit is skaars 2 maande terug dat ons julle hier vanuit die kantoor in Bloemfontein gegroet het waar ons toe aan die begin van die Covid-19 pandemie gestaan het. Toe reeds het ons besef dat hierdie pandemie 'n groot invloed gaan hê op al die werksaamhede van Missie Japan vir 2020, die invloed van hierdie virus is ingrypend.

Hierdie kort nuusbrieff se doel is juis om u as ondersteuners op hoogte te bring van al die ingrypende verwickelinge rakende ons 2020 beplanning. Een aspek van hierdie pandemie wat ons nou almal so stadig maar seker begin besef, is dat die pandemie niemand en niks ongeskonde laat nie! Almal, letterlik almal regoor die wêreld, is vasgevang in die dieselfde storm. Helaas bevind almal hulle nie in dieselfde bootjie nie, maar wel in die dieselfde storm. Dit impliseer dat nie almal se vermoë om hierdie storm te oorleef dieselfde is nie.

Eerstens wil ons weereens julle almal bedank wat te midde van klomp uitdagings, fisies sowel as ekonomies, steeds getrou bly met julle ondersteuning van Missie Japan en ons werkers daar, Stéphan en Carina, Elmar en Nadine en ook Gys en Linda. Die wete dat julle as ondersteuners hier in Suid-Afrika sekere persoonlike opofferings maak sodat die werk daar in Japan kan voortgaan, lê swaar op hulle harte en dien ook as inspirasie vir hulle om die ontberinge daar in die oë te kyk.

Binne hierdie storm kan ons keuse tussen ons betrokkenheid en hulpverlening nie wees "of" in Japan "of" plaaslike hulp nie. Oral is daar nood en daarom bly die kerk se roeping om oral tegelyk betrokke te wees (Lees maar gerus weer Hand 1:8). Ons wil u aanmoedig om nie 'n roete van "of" te volg in u hulpverlening en ondersteuning nie d.w.s "of" Japan "of" plaaslike hulp nie. Die opsie is eerder 'n biddende "en" waar ons met die middele beskikbaar (min of baie) plaaslik en by Japan betrokke sal bly en sal help waar ons kan.

Tweedens deel ons mee dat die bestuur van Missie Japan einde April vergader het en sekere besluite geneem het in die lig van die effek van Covid-19 op die werk in Japan en ook 2020 se besoeke aan Suid-Afrika. In Junie was die beplanning naamlik, Stéphan-hulle as gesin se besoek aan Suid-Afrika sowel as 'n besoek in Augustus van 'n groep uit Japan (die diakonale studie groep).

Beide besoeke is afgelas. Die besluite is soos volg:

Decisions:

- (1) The Van Der Watt's planned deputation for 2020 is postponed at this stage due to the current Covid-19 pandemic.
- (2) Their deputation is tentatively rescheduled for mid-March to mid-August 2021, meaning that their visit is also extended from 3-4 months as usual to 5 months.
- (3) All planned visits of Stéphan to congregations (June to September 2020) should still take place in video format as far as possible.
- (4) The meeting also takes note of Stéphan's concern for his Father and Mother in South Africa.

Stéphan hulle se besoek en die beplanning daar rondom was reeds in 'n gevorderde stadium met besoeke aan gemeentes, universiteite hier plaaslik, individue asook persoonlike vakansie en rus saam met hulle families en geliefdes. Tans is daar geen vlugte na Suid-Afrika nie wat dit byna onmoontlik maak om te reis. Die goeie nuus is dat die reis agente die kaartjies kon uitstel/aanskuif vir latere gebruik. Die voorlopige beplanning is dan dat hulle as gesin einde Maart 2021 sal kom en dan ook vir 'n langer periode hier sal wees vir besoeke en ook vir tyd saam met hulle onderskeie families.

Hiermee wil ons tog u almal net herinner dat, indien moontlik, u wel die betrokke Sondag wat 'n besoek aan u gemeente geskeduleer was, die geleentheid steeds sal gebruik as 'n bewusmaking geleentheid vir Missie Japan. Dit kan geskied via 'n kort video (wat ons sal voorsien) of via 'n direkte Skype of Zoom inskakeling met Stéphan in Japan. Skakel gerus met Stéphan self om die geleentheid te beplan! Die beplanning vir die 2021 besoek sal later die jaar in aanvang neem.

Ons het ook 'n nuwe uitnodiging aan die diakonale groep gestuur vir 'n moontlike besoek in 2021 soos dit in hulle beplanning kan inpas.

Elmar en Nadine sal hopelik ook in 2021 Suid-Afrika besoek. Hierdie besoek sal heel waarskynlik in die 2de helfte van die jaar plaasvind. U is baie welkom om ook met hulle te skakel vir 'n "elektroniese" besoek aan julle gemeente tydens 'n video diens. Elmar se ouers is steeds gestrand in Japan. Hulle woon tans by die Kweekskool waar Elmar en Nadine woon en is gesond en maak die beste van 'n baie onseker situasie. Hulle probeer hard om êrens op 'n vlug plek te kry terug na Suid-Afrika. Ons vra u voorbidding in die verband vir hulle spoedige terug keer.

Soos u kan sien, gaan die werk voort in Japan omdat die Here 'n hart en 'n liefde vir die mense van Japan in ons almal se harte kom plaas het. Ons doen vanuit die kantoor die nodige om te verseker dat die werk voortgaan, met u hulp en ondersteuning en met die nodige besparings waar moontlik te midde van wisselkoers fluktuasies. Die RCJ se diakonale kommissie het besluit om hulle hulp aan die Botshabelo (BCYCC) projek vir weerlose kinders, te verhoog te midde van hierdie krisis. Dit maak 'n reuse verskil in ons hulp verlening in 'n gemeenskap met min hulpbronne en dit vertel juis ook vir ons iets van ons wedersydse verbintenis aan mekaar tydens hierdie pandemie.

Groete in Christus Jesus



Nico Mostert
(Missie Japan)